

全唐詩目 第七函

第一冊

白居易 一卷至五卷

四十三首

全唐詩

白居易

白居易字樂天、下邳人、貞元中擢進士第、補校書郎、元和初、對制策入等、調盩厔尉、集賢校理、尋召爲翰林學士、左拾遺、拜贊善大夫、以言事貶江州司馬、徙忠州刺史、穆宗初徵爲主客郎中、知制誥、復乞外、歷杭、蘇、二州刺史、文宗立、以秘書監召、遷刑部侍郎、俄移病、除太子賓客、分司東都、拜河南尹、開成初起爲同州刺史、不拜、改太子少傅、會昌初、以刑部尚書致仕、卒、贈尚書右僕射、謚曰文、自號醉吟先生、亦稱香山居士、與同年元稹、酬詠號元白、與劉禹錫、酬詠號劉白、長慶集詩二十卷、

後集詩十七卷別集補遺二卷今編詩三十九卷

賀雨

皇帝嗣寶歷元和三年冬自冬及春暮不雨旱熯熯上
心念下民懼歲成災凶遂下罪己詔殷勤告一作制萬邦帝
曰予一人繼天承祖宗憂勤不遑寧夙夜心忡忡元年
誅劉闢一舉靖巴邛二年戮李錡不戰安江東顧惟眇
眇德遽有巍巍功或者天降沴無乃儆予躬上思蒼天
戒下恩致時邕莫如率其身慈和與儉恭乃命罷進獻
乃命賔饑窮宥死降五刑責已一作責覓三農宮女出宣
徽廐馬減飛龍度政靡一作無不舉皆出一作由自宸衷奔騰道
路人偃僂田野翁歡呼相告報感泣涕霑胷順人人心

悅先天天意從詔下。纔七日。和氣生。冲融凝爲油。油一作修雲散作習習風。晝夜三日雨。淒淒復濛濛。萬心春熙熙。百穀青芄芄。人變愁爲喜。歲易儉爲豐。乃知王者心。憂樂與衆同。皇天與后土。所感無不通。冠珮何鏘鏘。將相及王公。蹈舞呼萬歲。列賀明庭中。小臣誠愚陋。職忝金鑾宮。稽首再三拜。一言獻天聰。君以明爲聖。臣以直爲忠。敢賀有其始。亦願有其終。

讀張籍古樂府

張君何爲者。業文三十春。尤工樂府詩。舉代少其倫。爲詩意如何。六義互鋪陳。風雅比興外。未嘗著空文。讀君學仙詩。可諷放佚君。讀君董公詩。可誨貪暴臣。讀君商

如詩可感悍婦仁讀君勤齊詩可勸薄夫敦一作上可裨
教化舒之濟萬民下可理情性卷之善一身始從青衿
歲迨此白髮新日夜秉筆吟心苦力亦勤時無采詩官
委棄如泥塵恐君百歲後滅沒人不聞願藏中祕書百
代不湮淪願播內樂府時得聞至尊言者志之苗行者
文之根所以讀君詩亦知君爲人如何欲五十官小身
賤貧病眼街西住無人行到門

哭孔戡

洛陽誰不死戡死聞長安我是知戡者聞之涕泣然戡
佐山東軍非義不可干拂衣向西來其道直如弦從事
得如此人人以爲難人言明明代合置在朝端或望居

諫司有事數必言。或望居憲府有邪。數必彈。惜哉。兩不諧。沒齒爲閑官。竟不得一日。謦謦立君前。形骸隨衆人。斂葬北邙山。平生剛腸內。直氣歸其間。賢者爲生民。生死懸在天。謂天不愛人。胡爲生其賢。謂天果愛民。胡爲奪其年。茫茫元化中。誰執如此權。

凶宅

長安多大宅。列在街西東。往往朱門內。房廊相對空。梟鳴松桂樹。一作枝狐藏蘭菊叢。蒼苔黃葉地。日暮多旋風。前主爲將相。得罪竄巴庸。後主爲公卿。寢疾歿其中。連延四五主。殃禍繼相鍾。自從十年來。不利主人翁。風雨壞檐隙。蛇鼠穿牆墉。人疑不敢買。日毀土木功。嗟嗟俗人

心甚矣其愚蒙但恐災將至不思禍所從我今題此詩
欲悟迷者曾凡爲大官人年祿多高崇權重持難久位
高勢易窮驕者物之盈老者數之終四者如寇盜日夜
來相攻假使居吉土孰能保其躬因小以明大借家可
喻邦周秦宅穀函其宅非不同一興八百年一死望夷
宮寄語家與國人凶非宅凶

夢仙

人有夢仙者夢身升上清坐乘一白鶴前引雙紅旌羽
衣忽飄飄玉鸞俄錚錚半空直下視人世塵冥冥漸失
鄉國處纔分山水形東海一片白列岳五點青須臾羣
仙來相引朝玉京安期羨門輩列侍如公卿仰謁玉皇

帝稽首前致誠。帝言汝仙才努力勿自輕。却後十五年
期汝不死庭。再拜受斯言。既寤喜且驚。祕之不敢泄。誓
志居巖扃。恩愛捨骨肉。飲食斷羶腥。朝餐雲母散。夜吸
沆瀣精。空山三十載。目望輶輶迎。前期過已久。鸞鶴無
來聲。齒髮日衰白。耳目減聰明。一朝同物化。身與冀壤
并。神仙信有之。俗力非可營。苟無金骨相。不列丹臺名。
徒傳辟穀法。虛受燒丹經。只自取勤苦。百年終不成。悲
哉夢仙人。一夢誤一生。

觀刈麥

時爲盩厔縣尉

田家少閑月。五月人倍忙。夜來南風起。小麥覆隴黃。婦
姑荷簞食。童稚攜壺漿。相隨餉田去。丁壯在南岡。足蒸

暑土氣背灼炎天光力盡不知熱但惜夏日長復有貧婦人抱子在其傍右手秉遺穗左臂懸敝筐聽其相顧言聞者爲悲傷家田輸稅盡拾此充飢腸今我何功德曾不事農桑吏祿三百石歲晏有餘糧念此私自媿盡日不能忘

題海圖屏風

元和己丑年作

海水無風時波濤安悠悠鱗介無小大遂性各沈浮突兀海底鼉首冠三神丘釣網不能制其來非一秋或者不量力謂茲鼉可求鼉屬牽不動綸絕沈其鉤一鼉既頓領諸鼉齊掉頭白濤與黑浪呼吸繞咽喉噴風激飛廉鼓波怒陽侯鯨鯢得其便張口欲吞舟萬里無活鱗

百川多倒流。遂使江漢水。朝宗意亦休。蒼然屏風上。此畫良有由。

羸駿

驂騑失其主。羸餓無人牧。向風嘶一聲。莽蒼黃河曲。踣冰水畔立。臥雪冢間宿。歲暮田野空。寒草不滿腹。豈無市駿者。盡是凡人目。相馬失於瘦。遂遺千里足。村中何擾擾。有吏徵芻粟。輸一作淪彼軍。廩中化作驚駘肉。

廢琴

絲桐合爲琴。中有太古聲。古聲澹無味。不稱今人一作日情。玉徽光彩滅。朱弦塵土生。廢棄來已久。遺音尙泠泠。不辭爲君彈。縱彈人不聽。何物使之然。羌笛與秦箏。

李都尉古劍

古劍寒黯黯。鑄來幾千秋。白光納日月。紫氣排斗牛。有客借一觀。愛之不敢求。湛然玉匣中。秋水澄不流。至寶有本性。精剛無與儔。可使寸寸折。不能繞指柔。願快直士心。將斷佞臣頭。不願報小怨。夜半刺私讎。勸君慎所用。無作神兵羞。

雲居寺孤桐

一株青玉立。千葉綠雲委。亭亭五丈餘。高意猶未已。山僧年九十。清淨老不死。自云手種時。一顆青桐子。直從萌芽拔。高自毫末始。四面無附枝。中心有通理。寄言立身者。孤直當如此。

京兆府新栽蓮

時爲整屋縣尉趨府作

污溝貯濁水。水上葉田田。我來一長歎。知是東溪蓮。下有青泥污。馨香無復全。上有紅塵撲。顏色不得鮮。物性猶如此。人事亦宜然。託根非其所。不如遭棄捐。昔在溪中。曰花葉媚清漣。今來不得地。顛顛府門前。

月夜登閣避暑

旱久炎氣盛

中聲去

人若燔燒。清風隱何處。草樹不動搖。

何以避暑氣。無如出塵囂。行行都門外。佛閣正岧嶢。清

涼近高生。煩熱委靜銷。開襟當軒坐。意

一作神

泰神

一作意

飄飄

迴看歸路傍。禾黍盡枯焦。獨善誠有計。將何救旱苗。

奉陪登初授拾遺

奉詔登左掖束帶參朝議何言初命卑且脫風塵吏杜
甫陳子昂才名括天地當時非不遇尙無過斯位況余
蹇薄者寵至不自意驚近白日光慙非青雲器天子方
從諫朝廷無忌諱豈不思匪躬適遇時無事受命已旬
月飽食隨班次諫紙忽盈箱對之終自媿

贈元稹

自我從宦遊七年在長安所得惟元君乃知定交難豈
無山上苗徑寸無歲寒豈無要津水咫尺有波瀾之子
異於是久處一作要誓不諉無波古井水有節秋竹竿一爲
同心友三及芳一作方歲闌一作蘭花下鞍馬遊雪中杯酒歡衡
門相逢迎不具帶與冠春風日高睡秋月夜深看不爲

同登科

一作第

不爲同署官所合在方寸心源無異端

哭劉敦質

小樹兩株柏新土三尺墳蒼蒼白露草此地哭劉君哭君豈無辭辭云君子人如何天不弔窮悴至終身愚者多貴壽賢者獨賤屯龍亢彼無悔螻屈此不伸哭罷持此辭吾將詰義文

答友問

大圭廉不割利劍用不缺當其斬馬時良玉不如鐵置鐵在洪爐鐵消易如雪良玉同其中三日燒不熱君疑才與德詠此知優劣

雜興三首

楚王多內寵。傾國選嬪妃。又愛從禽樂。馳騁每相隨。錦
韞臂花隼。羅袂控金羈。遂習宮中女。皆如馬上兒。色禽
合爲荒。刑政兩已衰。雲夢春仍獵。章華夜不歸。東風二
月天。春雁正離離。美人挾銀鑊。一發疊雙飛。飛鴻驚斷
行。斂翅避蛾眉。君王顧之笑。弓箭生光輝。迴眸語君曰。
昔聞莊王時。有一愚夫人。其名曰樊姬。不有此遊樂。三
載斷鮮肥。

越國政初荒。越天旱不已。風日燥水田。水涸塵飛起。國
中新下令。官渠禁流水。流水不入田。壅入王宮裏。餘波
養魚鳥。倒影浮樓雉。澹澹九折池。縈迴十餘里。四月菱
荷發。越王日遊嬉。左右好風來。香動芙蓉蕊。但愛芙蓉

香又種芙蓉。子不念。闔門外千里稻苗死。
吳王心日侈。服玩盡奇瓌。身臥翠羽帳。手持紅玉杯。冠
垂明月珠。帶束通天犀。行動自矜顧。數步一裴回。小人
知所好。懷寶四方來。好邪得藉手。從此倖門開。古稱國
之寶。穀米與賢才。今看君王眼。視之如塵灰。伍員諫已
死。浮屍去不迴。姑蘇臺下草。麋鹿暗生麕。

宿紫閣山北村

晨遊紫閣峰。暮宿山下村。村老見余喜。爲余開一尊。舉
杯未及飲。暴卒來入門。紫衣挾刀斧。草草十餘人。奪我
席上酒。掣我盤中飧。主人退後立。斂手反如賓。中庭有
奇樹。種來三十春。主人惜不得。持斧斷其根。口稱采造